

《修心七義》

切卡瓦造

禮敬於大悲

甘露藏教授 從金洲傳來 如金剛日樹 心要須知悉

五濁厚重時 轉成菩提道

先學諸加行

諸過歸於一 思眾皆有恩 取捨間雜修 先從自身取

彼二乘風修 境毒善各三 總攝復得教 不忘念彼故

威儀盡誦持 穩後再修密 視諸法如夢 應觀無生性

對治自然解 道體住賴耶 中間如幻士

罪滿情器間 違緣轉道用 遇緣即修習 四行勝方便

攝教授心要 應修五種力 大乘往生法 五力重威儀

諸法歸一要 二證取其主 常懷喜悅心 修量即遣執

散能修即淨 修成具五相

常學三總義 心改身如故 勿說支節缺 勿思他人事

先治重煩惱 不求於果報 莫啖雜毒食 不求於深記

勿作世諍罵 不俟於狹路 不可傷其要 犛載勿牛馱

功利勿爭先 勿作邪法用 天莫變成魔 樂支不求苦

一貫眾瑜伽 一伏諸邪倒 初後修二事 二境皆安忍

捨命護二戒 勤學三難事 取三主要因 修三不退失

具三不捨離 於境無偏黨 遍深研眾善 常修諸法要

不待眾緣齊 今當修主要 勿作顛倒知 不可以輕急

徹底善修習 觀察令解脫 勿作矜誇念 氣量勿狹隘

勿作喜新念 勿貪著報取

由自勝解力 摧苦及惡名 求治我執教 今死亦無憾